

ecclesia S. Mariæ de Cathmeis cum appendiciis suis. A In episcopatu S. Andreæ de Scotia, abbatia Sanctæ Mariæ Rochaburgensis cum appenditiis suis; ecclesiam SS. martyrum Joannis et Pauli de Ogra cum appenditiis suis; ecclesiam S. Ægidii de Castenariis; ecclesiam S. Leonardi de Ferrertis; ecclesiam S. Mariæ de Asneriis; ecclesiam S. Mariæ de Telio; ecclesiam S. Laurentii de Brigia; ecclesiam S. Petri de Audita; ecclesiam S. Martini de Hildrevilla; ecclesiam S. Mariæ Magdalenæ de Jarzia; ecclesiam S. Mariæ de Aguille; ecclesiam S. Joannis Baptistæ de Murgeriis; ecclesiam S. Andreæ de Anglia cum appenditiis suis. Decernimus ergo ut nulli omnino hominum liceat vestrum monasterium perturbare, aut ejus possessiones auferre, vel ablatas retinere, minuere, seu aliquibus molestiis fatigare; sed omnia B integra conserventur eorum, pro quorum gubernatione et sustentatione concessa sunt, usibus profutura, salva nimirum diocesanorum episcoporum reverentia. Decimas sane laborum quos propriis manibus aut sumptibus colitis seu etiam vestrorum animalium absque alicujus contradictione vobis concedimus possidendas. Si qua igitur in posterum ecclesiastica sæcularisve persona hanc nostræ constitutionis paginam sciens, contra eam temere venire tentaverit, secundo tertioque communita, si non factum digna satisfactione correxerit, potestatis honorisque sui periculum patiat, et a sacratissimo corpore et sanguine Dei et Domini nostri Jesu Christi aliena fiat. Conservantes autem eidem loco quæ justa sunt, omnipotentis Dei et beatorum apostolorum C Petri et Pauli gratiam consequantur. Amen, amen, amen.

Ego Innocentius Catholicæ Ecclesiæ episcopus.

Ego Lucas presbyter cardinalis Sanctorum Joannis et Pauli.

Ego Gregorius diaconus cardinalis Sanctorum Sergii et Bacchi.

Ego Otto diaconus cardinalis S. Georgii.

Ego Guido diaconus cardinalis Sanctorum Cosmæ et Damiani.

Datum Valentie per manum Aimerici sanctæ Romanæ Ecclesiæ disconi cardinalis et cancellarii, decimo septimo Kal. Aprilis, indictione x, Incarnationis Dominicæ anno 1132, pontificatus autem domini Innocentii papæ II anno tertio.

#### XCV.

*Ad Guillelmum Montispessulani dominum. — Personam ejus et bona omnia ad eum pertinentia, sub tutela et protectione Romanæ suscipit Ecclesiæ, ne qui ea auferre, minuere, aut aliquibus molestiis fatigare audeat.*

(Anno 1132, Martii 24.)

[D. BOUQUET, *Recueil*, t. XV, p. 375.]

INNOCENTIUS episcopus, servus servorum Dei, dilecto in Christo filio GUILLELMO, domino Montispessulani, salutem et apostolicam benedictionem. Equitatis et justitiæ ratio persuadet ut quos erga B. Petrum et nos ipsos devotiores esse cognoscimus,

et sub ipso sanctæ Romanæ Ecclesiæ gremio familiarius fovere curemus. Dignum etenim est ut pia mater erga humiles filios ampliore exhibeat benignitatem, et eos a pravorum hominum incursione defendat. Quocirca, dilecte in Domino fili Guillelme, te sicut hominem et fidelem nostrum, ac specialem B. Petri militem, et hæreditatem tuam, montem scilicet Pessulanum cum palude, et bona tua quæ in præsentiarum legitime possides, sub B. Petri tutelam protectionemque suscipimus, et per præsentis scripti paginam communimus, statuantes ut nulli omnino hominum liceat personam tuam, seu præfatam hæreditatem, aut bona deinceps perturbare, auferre, minuere, vel aliquibus molestiis fatigare. Si quis hoc attentare præsumperit, indignationem beatorum apostolorum Petri et Pauli ac nostram se incursum non ambigat.

Datum Avenioni, ix Kal. Aprilis, pontificatus nostri anno i [m].

#### XCVI.

*Ad Petrum Venerabilem. — Privilegium de monasterio Beatæ Mariæ de Charitate supra Ligerim, quod sit semper prioratus ordinis Cluniacensis, et nunquam abbas ibidem instituat.*

(Anno 1132, Mart. 30.)

[*Bullar. Cluniac.*, p. 48.]

INNOCENTIUS episcopus, servus servorum Dei, dilecto in Christo filio PETRO Cluniacensi abbati ejusque successoribus regulariter substituendis in perpetuum.

Dispensatrix et provida sancta mater apostolica Romana Ecclesia, suscepta ab ipso Salvatore nostro Domino Jesu Christo auctoritate et privilegio, singulis Ecclesiis suas dignitates moderante ratione distribuit. Cum enim beato Petro a Domino dictum sit: *Tu aliquando conversus confirma fratres tuos, et: Tibi dabo claves regni cælorum; et: Quodcumque ligaveris super terram erit ligatum et in cælis; et post resurrectionem dictum sit ei tertio gregem Dominicam pascere. Secundum antiquorum consuetudinem in civitatibus, in quibus a prudentibus jura dabantur populis, beatus Petrus et ejus successores episcopos, archiepiscopos, et primates, qui de lege divina populum instruerent, statuerunt. In*

D novis vero et religiosis quibusdam locis abbates, qui fratrum congregationi scirent præesse et prodesse, sunt a sede apostolica constituti. De aliis autem ad veræ humilitatis custodiam, quæ omnium virtutum condimentum est; et superbiam atque invidiam, quæ semper eam comitantur, propellit, ut essent semper obedientiæ et prioratus, est nihilominus institutum. Prædecessorum ergo nostrorum vestigiis inhærentes decernimus, ut ecclesiæ Sanctæ Mariæ de charitate quæ a bonæ memoriæ Gaufrido Antissiodorensi episcopo, Guillelmo Nivernensium comite, et Bernardo de Caillan, et aliis fidelibus, ad quorum jus, locus ipse, tam in temporalibus, quam in spiritualibus pertinebat, Clu-

niciensi monasterio a prima fundatione oblata est, A semper obedientia et prioratus vester futuris temporibus maneat. Interdicimus igitur ex parte beati Petri et nostræ, ut nulli omnino hominum liceat abbatem in eodem loco statuere, s: d. fratres ibidem Domino famulantes, Cluniacensis abbatis, et proprii prioris contenti regimine, quod professi sunt expleant, et grata Deo vota persolvant. Si quis autem hujus nostræ constitutionis transgressor extiterit, iram Dei et indignationes beatorum apostolorum Petri et Pauli noverit incursum. Amen.

Ego Innocentius Catholicæ Ecclesiæ episcopus.

Signum manus meæ : ADJUVA NOS, DEUS SALUTARIS NOSTER.

Datum apud Vapingum per manum Aymerici B sanctæ Ecclesiæ Romanæ diaconi cardinalis et cancellarii, III Kal. Aprilis, indict. x, Incarnationis Dominicæ anno 1132.

### XCVII.

*Ad Petrum Venerabilem abbatem Cluniacensem. — Illum investit de novo de abbacia S. Bertini, mandans monachis ejusdem ut ei pareant.*

(Anno 1132, Mart. 30.)

[*Bullarium Cluniac.*, p. 47.]

INNOCENTIUS episcopus, servus servorum Dei, dilecto filio PETRO Cluniacensi abbati, salutem et apostolicam benedictionem.

Canonum præcepta nos instruunt, ut in exsequendis negotiis nihil præpropere, nihil extraordinarie committamus. Tua siquidem dilectio nuper Remis in præsentia fratrum nostrorum archiepiscoporum, episcoporum et aliorum religiosorum virorum, qui nobiscum eo convenerant, ut abbatiam Sancti Bertini a prædecessoribus nostris Romanis pontificibus monasterio Cluniacensi commissam, et eorum privilegiis roboratam, tibi restitueremus, instantius postulavit. Cæterum nos ex deliberato eorumdem fratrum nostrorum consilio, ipsius loci monachis præteritam Epiphaniæ solemnitatem inducias concessimus, ut videlicet tunc ad nostram venirent præsentiam tibi de tuis querimoniis respondere parati. Ipsi vero elapso eo termino, nec venerunt, nec miserunt responsales : sed duos monachos ex parte fratrum nostrorum R. archiepiscopo, et N. Morinensi episcopo, ac dilecti filii nostri T. illustris Flandrensium comitis, longiores pacis postulantes inducias direxerunt. Nos autem omnem eis occasionem auferre volentes, ipsos usque ad præteritam mediam quadragesimam sustinimus, qui nimirum nec etiam, tunc venerunt, nec aliquos qui causam suam agerent destinarunt. Quia igitur, neque nos jus strictum urget, neque postulat æquitas, ut eis in sua contumacia perdurantibus prolixiorum terminum concedamus, te de præfata Beati Bertini abbacia ad reformationem religionis prædecessorum nostrorum inherentes vestigiis investivimus, mona-

(25) 10 April.

(26) Epistola hæc, Calixto II perperam tri-

chisque ejusdem cœnobii, ut tibi, dilecte in Domino filii Petre abbas, humiliter pareant, et ut abbatem juxta dispositionem tuam et consilium eligant, per apostolica scripta mandamus.

Datum apud Vapingum, III Kalendas Aprilis.

### XCVIII.

*Ad Guillelmum Montispezzulani dominum. — Devotionem ejus erga se et Romanam Ecclesiam commendat, utque in bono proposito perseveret hortatur.*

(Anno 1132, April. 13.)

[D. BOUQUET, *Recueil*, t. XV, p. 377.]

INNOCENTIUS episcopus, servus servorum Dei, dilecto in Christo illustri viro GUILLELMO de Montispezzulano, salutem et apostolicam benedictionem.

Amorem et servitium, quod B. Petro et nobis exhibere, non cessas, frequenter recolimus, et super his devotioni tuæ corde et ore multimodas gratias exhibemus ; et quoniam gratum famulantis obsequium veræ dilectionis præmium promeretur, nos personam tuam, sicut multoties tibi significavimus, sinceræ charitatis brachiis amplexamur ; ut omnipotentis Dei clementia eam conservare dignetur incolumem, supplici prece deposcimus. Tua igitur interest, fili in Christo charissime, in bono quod cœpisti proposito firmiter perdurare, et quæ ad honorem et utilitatem sanctæ matris tuæ Romanæ Ecclesiæ et nostram spectare cognoveris, diligenti vigilantia operari.

Datum apud Ast, Idibus Aprilis.

### XCIX.

C *Ecclesiæ S. Frigidiani Lucensis possessiones juraque confirmat.*

(Anno 1132, April. 16.)

[*Bullarium Lateranense*, 10.]

### C.

[*Gualterio archiepiscopo Ravennati*] hæc significat :

« *Transalpinati sumus ; Astæ Resurrectionem Domini (25) celebravimus ; inde rogatu Novariensium ad eorum urbem perreximus et illorum majorem ecclesiam consecravimus. » Monet ut sibi Papiam obviam veniat (26).*

(Anno 1132, April. 17.)

[*AMADEII in antist. Raven. Chronot.*, III, 121.]

### CI.

D *Ecclesiæ B. Alexandri Bergomatis possessiones et privilegia confirmat.*

(Anno 1132, Maii 31.)

[*LUPUS, Codex diplom. Bergomatis*, II, p. 963.]

INNOCENTIUS episcopus, servus servorum Dei, dilectis filiis PETRO præposito, et fratribus in ecclesia B. Alexandri Pergamensis Domino servantibus tam præsentibus quam futuris, in perpetuam memoriam.

Officii nostri nos hortatur auctoritas ecclesiarum omnium curam gerere et earum quieti et utilitati, auxiliante Domino, salubriter providere. Quambobrem, dilecti in Domino filii, vestras postulationes benignius admittentes, Beati Alexandri ecclesiam buta, sine dubio est ad Innocentium II referenda. JAFFÉ.